

Ny Baiboly ho an'ny ankizy
dia manolotra

Ny Fampanantenana
Nomen'Andriamanitra
an'i Abrahama



Nosoratan'i: Edward Hughes

Sarin'i: Byron Unger; Lazarus
Alastair Paterson

Nampifanarahin'i: M. Maillot; Tammy S.


Nadikan'i: Mia Randria

Novokarin'i: Bible for Children
www.M1914.org

©2022 Bible for Children, Inc.


Azo atao ny fandikana na fakana ity tantara ity
nefa tsy ho amin'ny fitadiavam-bola.





Nony ela be tatỳ
aorian'ny safo-drano,
nanana fikasana ny
olona.





"Ndao isika hanangana
tanàna lehibe iray
manana tilikambo
mahatakatra hatrany
amin'ny lanitra",

hoy
izy ireo.



"Ndao isika hiara
hipetraka foana". Teny
iray ihany no notenin'ny
olona rehetra
tamin'izany.



Tian'Andriamanitra hiparitaka
manerana an'izao tontolo izao
nefa ny olona, ka nanao
zavatra hafa kely izy.



Tampoka teo, lasa nisy fitambaran'olona
maromaro niteny amin'ny
fiteny samihafa, fa
nomen'Andriamanitra
teny vaovao izy ireo.



Lasa nifindra sy niara-monina indray izay olona nitovy fomba fiteny. Angamba lasa natahotra ny olona hafa tsy nifankahazo teny taminy



ny olona.




Ary izay no nampisian' Andriamanitra
vahoaka samihafa mameno firenena isan-
karazany. Babela, midika hoe korontana,
no anaran'ilay




tanàna
nilaozan'izy
ireo.



Taona maro tatỳ aoriana, tao amin'ny
toerana antsoina
hoe Oran'i
Kaldeana, niteny
tamin'ny lehilahy
iray antsoina
hoe Abrama
Andriamanitra.




Nibaiko azy Andriamanitra hoe:
"Ialao ny taninao.
Mandehana any
amin'ny tany ho
asehoko anao."




Nihaino ny teniny Abrama.
Notarihin'Andriamanitra nankany
Kanaana izy. I Saray vadiny, sy i Lota
zana-drahalahiny koa niaraka taminy.



Samy lasa nanan-karena i
Abrama sy i Lota tao Kanaana.
Nanana andian'omby maro be.
Ary tsy ampy ho an'ireo biby
fiompin'izy ireo ny vilona.



Lasa nifamaly ny mpiandry ombin'i Lota
sy ny mpiandry ombin'i Abrama.
Hoy i Abrama: "Aleo tsy hisy ady
amintsika. Hisara-toerana isika.
Lota, safidio izay tany tianao."



Tany lemaka lonaka sady malalaka,
misy tanàna vitsivitsy no nosafidian'i
Lota. Tsara jerena tokoa ilay izy,
saingy feno haratsiam-
panahy tao amin'ireo

tanàn-dehibe
tao ireo.





Niteny tamin'i Abrama indray
Andriamanitra nony lasa i
Lota hoe: "Omeko anao sy ny
taranakao ho mandrakizay ny
tany

rehetra
eto
Kanaana."



Abrama sy Saray nefa tsy
nanan-janaka. Ka amin'ny
fomba ahoana ary no
hahatanterahan'

Andriamanitra ny
fampanantenana
nomeny?





Nisy

lehilahy telo avy

amin'Andriamanitra tonga
nandalo tao amin'i Abrama sy i Saray.
"Tsy ho ela dia hiteraka ianareo", ...





Nihomehy i Saray. Tsy
nino ny tenin'Andriamanitra izy.
Efa sivy folo taona tsinona izy.





Hoy

Andriamanitra

tamin'i Abrama hoe manomboka
izao dia Abrahama no iantsoana azy,
ary i Saray ho antsoina hoe Saraha.





Niteny tamin'i
Abrahama koa
Andriamanitra fa
horavany i Sodoma
sy Gomora, tanàna
roa feno

haratsiam-panahy.



Tao Sodoma no
nipetraka i Lota,
zana-drahalahin'i
Abrahama, sy ny
fianakaviany.




Nino ny fampitandreman' Andriamanitra
i Lota nony nandre
izany. Fa ny
vinantolahiny tsy
nety niala tao
Sodoma. Tena
nampalahelo!
Tsy nino ny
tenin' Andriamanitra
izy ireo.



I Lota sy ireo zanany
roa vavy ihany no avotra.
Nandefa afo sy solifara
teo amin'ireo tanàna feno

haratsiam-panahy
ireo
Andriamanitra.




Nampalahelo anefa fa
tsy nanaraka ny
fampitandremana ...



...nomen'Andriamanitra azy
ny vadin'i Lota ka nitodika
tany aoriana. Ary nivadika
ho vongan-
tsira izy.



Nanatanteraka ny toky nomeny an'i
Abrahama sy i Saraha
Ny Tompo. Niteraka
zazalahy tokoa
izy ireo na
dia efa antitra
ary, araka ny
tenin'Ny Tompo.
Hafaliana tsy
nisy ohatr'izany
ny azy ireo nony
teraka Isahaka!



Mety
nieritreritra
ilay toky
nomen'Andriamanitra
hanome azy sy ny
taranany
mandrakizay

ny tany
Kanaana

koa angamba i
Abrahama.



Hanatanteraka
izay
fampanantenana
nomeny izay koa
Andriamanitra.



Manatanteraka ny
fampanantenana
omeny foana
Andriamanitra.



Ny Fampanantenana
Nomen'Andriamanitra an'i Abrahama

Tantaran'ny Tenin'Andriamanitra, ny
Baiboly,

Tao amin'ny bokin'ny

Genesisy 11-21

"Ny fanambaràn'ny teninao dia manazava."
Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.



Raha te-hibebaka hiala
amin'ny fahotanao ianao, dia izao
no afaka lazainao amin'Andriamanitra:
Ry Andriamanitra ô, mino aho fa maty ho ahy
Jesosy, ary velona Izy ankehitriny. Miangavy
Anao aho, Tompo ô, midira ao amin'ny fiainako,
ary mamelà ny heloko, mba hahazoako fiainan-
baovao, ary ho avy ny andro handehanako eny
Aminao ho mandrakizay. Ampio aho ho velona
ao aminao, tahaka ny Zanakao. Amena.

Vakio ny Baiboly ary miresaha
amin'Andriamanitra isan'andro!
Jaona 3.16

